

故宮
珍
藏
本
刊
集

定軒存稿·芳洲文集

等四種
第二冊
共二冊



故宮博物院編 海南出版社

故宮珍本叢刊第 536 冊明代詩文別集

故宮博物院編

喻氏疏議詩文稿 定軒存稿

芳洲詩文集 芳洲先生年譜

第二冊（共二冊）

海南出版社



圖書在版編目(CIP)數據

大明太宗皇帝御製集/(明)成祖撰. —影印本. —海口:海南出版社, 2000. 10
(故宮珍本叢刊)

本書與“重刻徐幼文北郭集/(明)徐賁撰”等 29 種書合訂

ISBN 7-80645-747-X

I. 大… II. 成… III. 文學-作品綜合集-中國-明代 IV. Z121.7

中國版本圖書館 CIP 數據核字(1999)第 68755 號

故宮珍本叢刊第 536 冊

明代詩文別集

喻氏疏議詩文稿 定軒存稿 芳洲詩文集 芳洲先生年譜

第二冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:22.5 印數:1-400 冊

ISBN 7-80645-747-X/Z·25

定價:2670 元(明代詩文別集 30 種共 16 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

定軒存稿目錄

詩一 擬古雜體

古離別

李都尉陵

擬攜手上河梁

班婕妤

新製齊統扇

魏文帝芙蓉池作

陳思王

擬贈丁儀王粲詩

劉文學楨

感遇

王侍中粲

懷德

定軒存稿

詩一 目錄

稽中散康

言志

阮步兵籍

詠懷

張司空華

離情

潘黃門岳

擬河陽縣作

陸平原機

羈宦

左記室思

詠史

張黃門協

苦雨

劉太尉琨

擬贈盧諶詩

盧郎中諶

感交

郭弘農璞

遊仙

張廷尉綽

雜述

許徵君詢

自序

殷東陽仲文

興囑

謝僕射混

遊覽

陶徵君潛

田居

謝臨川靈運

遊山

顏特進延之

侍宴

謝法曹惠連

擬西陵遇風獻康樂 五首

定軒存稿

詩一 目錄

謝光祿莊

郊遊

王徵君微

養疾

被徵不應隱瀟湘之間

袁太尉淑

擬陳思王樂府白馬篇

鮑參軍昭

戎行

休上人怨別

擬左太冲詠史

八首

詠史

先秦兩漢間得十二人

魯連先生

如姬

信陵君無忌

高漸離

燕太子丹

留侯良

朱虛侯章

東方曼倩

嚴君平

梁伯鸞

黃叔度

定軒存稿

管幼安

昭君詞

昭君怨十解徐文長逸稿有昭君怨十首用今

日漢宮人明朝胡地妾爲韻余亦韻作十解

一解 用青塚事見杜律亦有云未然者

二解 昭君極蒙胡寵王介甫詩云漢恩自淺

胡自深

三解 琵琶始于烏孫公主世誤以爲繇昭君

四解 世謂延壽誤王嬙故云

五解 俗傳昭君入胡不受辱故用繫臂事

六解 用石季倫父子見陵辱語

七解 昭君嫁胡生二子有女王莽攝政時冒

入侍太皇太后黃姚用莽尊太后爲新

室文母后爲皇黃室主事

八解 用寧胡公主號作解

九解 說者謂漢重失信于胡故從昭君之請

遣行

十解 昭君自請行故篇終壯之

定軒存稿

詩一目錄

四

定軒存稿

詩一 擬古雜體

古離別

三歲爲君婦未嘗下高堂一朝遠送別佇泣官道傷
君行官柳青青歸官柳黃與君別經年相思莫相忘
行過無定河莫飲無定水天涯遊子心飲之恐爾爾
應思閨中人容光易摧毀

李都尉陵

擬攜手上河梁

蕭蕭南翔鴻瀾瀾北流水南鴻去不返北流逝亦駛

定軒存稿

詩一

去住只斯須心顏愴以泚髮髮忽焉變白日幾餘晷
相期故人情魂夢時密邇

班婕妤

新製齊紈扇

齊紈合懽扇冰雪並皎素下有連理枝上有雙飛羽
殷懃良工意宛轉動迴顧持攜在君手動靜不改度
但恐逢妻其笥中棄如土

魏文帝芙蓉池作

卜夜集芳苑張幕臨華池璧月流素空銀河指西陲
微風起青萍宿鳥鳴危枝荷香散綺席芙蓉拂輕帷

高歌過流雲清商舞潛壙良朋啓玄綸四座心神怡

赤水象罔珠藐姑冰雪姿飛仙在曲讌西弁允若茲

陳思王

擬贈丁儀王粲詩

王師入京邑天宇俄廓清九廟肅鐘簴十陵剪棘荆
皇路日就坦相君靡自盈吐哺則公旦關門羅雋英
鬢髮縹緲組深岩貴弓旌嗟予同心侶夙昔諧嬰鳴
胡爲慕孤介堅欲解世櫻延陵匪通誼干木庸近情
願迴墨子車且過朝歌城

劉文學楨

感遇

詩一

定軒存稿

嶧山孤生桐端直自性秉暘暉東西移挺立無曲影
廟爲清廟材徽音激水井小儒弄染翰承恩點華省
固陋不自文丹藻時一炳曳踵玉墀近昂首銀漢耿
何以答知遇中夜發深省

王侍中粲

懷德

關中構喪亂浮渭向洛城京雒復殘破孑身遁蠻荆
虎兕傷在野秋社悲獨行河山邈非故魂魄時自驚
乘桴浮海若登樓眺神京目斷秦川樹心搖伊闕旌
哀哀孤飛鳥詎有擇木情幸逢弘濟宰折節開延英

翩翩佳公子欬唾分瓊瑛魚藻醉明德鹿茸賡和鳴
鄙人守貞則嘉惠懷篤誠所期慎厥修福履永不傾

稽中散康 言志

抗志希往哲放意移物情貴我祖老氏逍遙慕莊生
神龍潛深淵鯢桓任縱橫抱我徑寸珠虛明澹無營
含弘大人德藏垢遠怨憎性故不傷物善亦毋近名
墮體類昏默保身乃哲明服食學輕舉絕交謝浮榮
譬彼海上鵝腐鼠嚇豈驚御風絕雲氣奄忽周太清
茹芝叟可侶採薇歌我賡優游養壽命微尚夙所盟

定軒存稿

詩一

三

阮步兵籍

詠懷

靈蛟奮解渤鮒魚泳滄溟洪纖順厥賦意適聊自欣
四字何寥汰此生任浮沉神物自變化霖雨方浸淫
孤嫠泣環堵誰與披幽襟

張司空華

離情

秋月皎虛檐清輝晃流蘇佳人守空幃孤枕歎珊瑚
苔痕繡瑤堦蘭膏燼玉厨寒螢語庭砌哀鴻唳天衢
裁將合懽錦綬以明月珠貽我同心侶白首慎勿渝

潘黃門岳

擬河陽縣作

弱冠藉浮譽謬入承明廬鄙褻澹榮進亟反東山居
一麾再出宰河陽拜除書吏拙俗亦淳網濶日偏餘
休衙坐清晝登城豁拘墟洪河接宛雒平野過青徐
闌闌錯如繡山川望中舒交衢擊華轂環堵紆輕裾
繁花媚遠谷游鱗躍清渠畏壘詎可方庚桑媿非余
竊祿倖無計敢薄升斗糈

陸平原機

羈宦

伊昔被寵命結駟遊帝京碧海縱鱗泳華星託螢明
玄圃侍曲讌卷阿矢嘒鳴追隨切約履謦欬承瑤英

定軒存稿

詩一

四

改服侍藩邸輕裾出雒城遠從陳梁遊誤蒙鄒枚榮
桑梓棄捐久親契音問疎江河異風景縱覽增欷歔
冰井已堙圯銅臺且丘墟西陵草芊芊東郭黍旗旗
遊子滯異域中懷曷以舒願假南飛羽翼我反故廬

左記室思

詠史

商岩茹芝叟漢闕辟穀公弋慕良所畏鴻冥甘與同
輓輅棄繻生口辨志亦雄納約園轉間通顯指顧中
文園巴蜀喻博望河源窮程李奮宮尉衛霍司元戎
金石曳英詞鐘鼎鐫豐功開閣羅英賢彈冠慶登崇

乃有耻曲學白首諸生終

張黃門協 苦雨

蒼峴注落照青鸞冠初旭鳩娘泣星頭商羊舞堤曲
高甌瀉飛泉橫塘漲新綠暮炊火俱斷晨鐘響不續
捉塵增寂寥撫弦苦繁促索居懷嚶鳴獨宿嘆蜎蜎
何以舒鬱陶尊中有醺醪

劉太尉琨 擬贈盧諶詩

攬槍掩帝座胡塵暗中土羣龍失其穴一龍奮江許
鄙人感殊眷師中誓共武猗猗藉爪士帷幄急肺腑

定軒存稿

詩一

五

蕭曹起刀筆絳灌出戎伍版築猶隱賢飯牛且興輔
豺虎方縱橫皇路尚秦莽空懷精衛填曷就女媧補
蹇蹇皆王臣沓沓豈貞貞願我同心友盡瘁翼爾王
草昧共亨屯涉川務幹蠱荏苒吾將老尺寸愧無樹

盧郎中諶 感交

驥騄天衢驤驚蹇下澤擯皇路當傾危馳驚急雄雉
謬蒙存舊恩猥與時賢趣樛木旣繫託和璞復題訊
委心報知已滅頂豈足吝陳義夙所欽怯夫亦圖振
魯連聊城矢一發燕將刃子房博浪椎一擊秦皇震

奈無箸前籌空有豆間餽衝飈承弱質零落抱憂疾
有懷南郭綦息機委吾順尊攘有君侯崇明樹鴻駿

郭弘農鑒 遊仙

雲英下仙掌瓊液瀉神竅玉女時擎來金燒共斟酌
冥心讀玄笈絕粒餌靈藥六龍爲我馭三山在吾幕
具茨竚可問襄城駕寧却瑩然冰雪姿藐姑共綽約

張廷尉綽 雜述

泰皇緼鴻灝垓圯嬗佚美蒸罔匪自成噓籥有至理
胡茲寥一函粵維吹萬始浸假真寢鑿倏忽混沌死

定軒存稿

詩一

六

蓋亦建鼓求返此弱喪子虛室恍生白神明自來止
浮沉看野馬相羊友澤豕小年希大年非指可喻指
觀庖解養生論新逗玄指闢宇絕柴柵涉世遠塵滓
漆園真吾師放誕自可喜

許徵君詢 自序

爰居駭鼓鐘玄豹隱霜霧方昧外身存況喻存存故
我堅入道力一往破沉痾羈鞅脫然解長夜發大寤
岩處恣蕭放服食習冲翥掩扉伴孤雲採藥認歸路
雕胡貯石廩丹芝切芳圃去去遂我適得喪詎所顧

邈矣出關叟玄牝啓衆悟萬慮悉屏却塵纓豈能替

殷東陽仲文 興囑

勝域絕名哲蕭晨矚虛洞四宇何澹漠吾懷亦清醒
落木下丹水矚雲出銅頂思越萬物祖目夾八極冥
衆芳嘆萎歇孤柏羨勁挺人損我不受天放更誰爭
感溺久已遣求仁詎猶迫

謝僕射混 遊覽

大塊眞勞生俛仰日縈感內庭鮮懽悰遠郊豁幽
寓目極寥廓開襟愜澄澹崑阿秀菊萸江渚揭蔭

定軒存稿

詩一

會嘆景搖落任觀運流坎代謝亦何常章光總歸闕
西弁倏忽屆義駕詎能覽達人遺浮榮自視又何歛

陶徵君潛 田居

日出趨東臯手自理苗莠作倦息壠上箕踞進濁酒
日夕荷襪襍浩歌逐歸耦暮雲冥遠山宿鳥赴高柳
稚子懽迎門牽裾問勞否答云是何勞藉以贍八口
老農無奢願桑麻願繁阜作息安吾常帝力亦何有

謝臨川靈運 遊山

曳躡辭軒墀放情憩數澤寤言懷天遊邈今卽廣宅

東巖吾克表入境別有闢幽澗入石門奇峰似羅壁

琮鈴送清音蔥蔚掩岬嶺雲開千嶺青月出一溪碧
歸休遂嘉遁乘閒恣探蹟絕巔捫藤蘿仄徑指杖策
湖光盪心胸嵐翠染衣袞赤石招我登海嶠假帆適
爰尋富春臺且陟華崗脊麻姑壇猶存洪崖肩可拍
縱非王子喬豈乏緱山鳥一往矚無盡百離豈復索
太虛本遽廬吾生祇郵客達者貴適意胡爲苦役役
顏特進延之 侍宴

皇輿啓光宅玄錄肇嘉祜圖書隸西清球琳爛玄圃

定軒存稿

詩一

液池疏天潢華林闢宸宇流虹冒飛棟曙星宿虛戶
巖翠荒松杉隰芳被蘅荏遠壑媚潛虬平林振鮮羽
聖情暢茂育微卉荷涵煦異風扇廣漠解羽澤朽枯
龍馬呈瑞圖騶虞表仁武休語誦姬孔裸服襲冠組
象物鑄神鼎斷鰲奠天柱中和協金石羽千儷韶武
慶澤延升冕恩紀浹宮府賡歌媿卷阿里奏則工瞽
謝法曹惠連 擬西陵遇風獻康樂

倦鳥安故林疲馬戀舊棧轄脂軫載懸道阻跡仍刻
獻歲戒徂吉仲春奏別醴成裝甫踰閭揮手涕已潛

其二

臨發勞骨肉遠送野躊躇清商奏荒館離席張蕪墟
涼月照飛簾繁露沾輕裾遊子意難別傾壘飲其餘

其三

悠悠卽遠道搖搖抗前旌粉越修焉遠川原綠如榮
越山深且險越水駛以清心目隨所變魂魄時自驚

其四

狂飈振虛聲驚濤浴孤根礮雷動地軸陰雲暗天門
郊垌絕輶車野水迷舠舫飛鳶下湍瀨哀孤皞萊樊

定軒存稿

詩一

九

其五

維舟遵枉渚停榜問前路積雨峽水闔道阻不可躋
進退允維谷至止同據藜欲奮無翰羽何以慰惋悽

謝光祿莊

郊遊

攝衣望壚落理楫遊江沱四竄淨浮靄一泓斂微波
淺渚下白鳥遠峰洗清螺禾穢稠苗畝蘿薜寒巖阿
時菊競含秀霜葉紛辭柯蕭瑟見澹素靜默忘悵叱
削跡就石戶却芬息雲窩素書旨道味靈泉飲天和
素志不自克弱喪傷如何

王徵君徵

養疾

被徵不應隱瀟湘之間

瀟湘渺無際碧天涵虛明雁鶩宿宿抵渚蒹葭被軒楹
歸帆映夕照疎燈亂晨星燃竹炊雕胡拂石偃桃笙
節食却微青餌藥還元嬰安期難可遇綺叟聊與盟
白雲招我往寧復酬夙醒

袁太尉叔

擬陳思王樂府白馬篇

長安遊俠兒白馬黃金羈高冠切雲端長劒何陸離
家本居三河結駟馳九達資雄陽翟賈座擁邯鄲姬
捐棄如土苴插血報所知泣和燕市筑憤發博浪椎

定軒存稿

詩一

十

精誠貫白日強力扼虎羆烽火連甘泉關河動鼓鼙
明王方晏食義士甘死綏奮身當呼韓逐北踰燕支
手提名王頭飲血吮其髓生當封通侯沒當銘鼎彝
期無負初盟膏原庸敢辭兒女媿阿態壯志耻不爲

鮑參軍昭

戎行

曲士局丘隴壯夫冒風塵匪懷恩私渥所感氣誼深
首冬火朝覲衰颯相侵尋殺氣暗邊徼陣雲橫山陰
行沿黃河流目極太行岑羽旌燦朝采刁斗清宵音
令布壁壘變劍倚撓槍沈敵驚驚鳥伏師肅班馬瘖

遊處狎跼注書翰紳踈給行坎順所適無須嘆商參
休上人怨別

楚客思無賴涉秋逾黯然金颺起天末槁葉墮我前
素帷延華月淨琴響流泉白雪懷郢人青雲憶飛仙
壺觴對不舉函書寄無便願假凌風翼千里一瞬旋

擬左太冲詠史八首

腐儒喜目論填臆多硯碕登樓擬七哀出關續五噫
世態駭日幻皇路虞未夷流涕長太息恒抱賈傅悲
憑高聲斯揚卑棲鳴誰奇僉父強解事覆瓿吾何辭

定軒存稿

詩一

十一

其二

蘭生叢棘中護蘭勿留棘棘剪蘭徑寬棘叢蘭芳熄
熄長有至理譬彼日中昃盛名造物忌高位衆目側
勇退鑒殆辱廣受見何特

其三

吾慕龔祁識乞身遂首丘吾哀梅逢志市隱乘海桴
芋賦狙自喜棟焚燕忘憂草玄且美新投閣曾弗羞
汲汲遂一往免厥罹百憂信無懷土情迥絕榮祿謀

其四

炎炎要人門攘攘幕間客朝修牢石懼暮千五鹿澤
橫金馳通衢鳴騶出廣陌權能傾王侯寵寧敵軒席
君蘭小有材京房謬通易嗜進立賈禍盡言亦逢螫
何如貢公賢明經守介石

其五

貫高忍楚毒慷慨自主心縱非貞士操斯義亦可欽
緊秉耿耿志然諾素不侵笑彼嬖阿子世與浮且沉
視此絕吮夫何但皆與黔

其六

定軒存稿

詩一

十二

息夫告姦吏谷子斥宮掖孔光秘溫樹劉歆典墳籍
之子豈不才浮譽亦云噴要津足立躋幸門手如炙
鼓神暫相借轉曉失所藉鵲雛飲醴泉豈爲腐鼠嚇

其七

天風起閭闔四表清氤氲濛汜昇瑞日海甸瞻祥昕
狐張昧滅影隼擊鳴亡羣衣冠遠塗炭黔首離焦焚
偶語密網解止輦昌言聞願賡明良歌頌此堯舜君

其八

漢興蹈秦俗朝士多奴顏乃有綺園叟連袂棲商山

遊與麋鹿羣息與禽鳥還茹芝卧崑崙濯纓枕潯溪
迹此嫚罵主與立羞冥頑鴻鵠遠縉弋舉翰層霄間
好爵我自麋脩然離塵寰

詠史 先秦兩漢間得十二人

魯連先生

箕穎不再作珪組迷膏肓縱橫圖辨口妾婦驕侯王
先生丹穴姿萬古雲霄翔俯視儀秦流鷄鶩爭稻粱
平原乃皮相猥以千金嘗何怪掉頭去不屑同賈商
如姬

定軒存稿

詩一

十三

入淵探驪領登巖批虎頰碎首立可俟壯夫尚嚙嚼
下陳婉嬖人九死色無怯報德甘捐軀慷慨並荆聶
有心夷門監乃知女中俠

信陵君無忌

賈介喜得士戶屢恒駢闐徒好葉公龍嘯識海上鷄
信陵愛敬客氣誼同篋塤豈無珠履賓命駕迎監門
平原一毛遂囊處猶自昏肉食者誠鄙胡可同日論

高漸離

壯士感意氣庸在杯酒間放歌泣燕市豈效兒女顏

白衣送易水長恨去不還殘軀幸一中投足虎豹關
士爲知已死遑恤酬志艱

燕太子丹

馬角那必生烏頭未須白處堂良所痛委肉亦何益
柯盟倘能尋函谷尚可塞孤憤矢欲雪成敗詎所逆
虹貫白日昏血汗秦庭赤祖龍魄爲奪匕首豈空擲
留侯良

定軒存稿

詩一

十四

義人德一飯壯夫報睚眦大澤蛇未分中原鹿猶跂
破家結死士徂繫褫克厲恚秦秦既殲楚楚復殪
丈夫願已酬纓組詎所繫辟穀友赤松深裏鮮窺際
朱虛侯章

赤帝方啓祚牝雞司晨鳴人誦天桑主委裘擁虛名
吮臙總禁旅帶礪違成盟朱虛憤失職畊田歌不平
亾酒狗師命非種鋤逆萌炎鼎自茲重宗子真維城
東方曼倩

伯陽晦枉下莊周隱漆園孔聖驚猶龍齊諸志搏鯤
吾羨東方生陸沉金馬門塵垢軒冕貴睥睨王侯尊
潔身乃穢迹委蛇道自存蝦蟇伏汗漬鶯鳩夾丘樊

俗儒昧達節茲義難與論

嚴君平

迹虛近賓名絕莽詎解繁巖經有墻壘通人正多蔽
古來誰大隱君平隱著筮譬彼意怠鳥飛棲在庭際
世不厭君平君平豈厭世

梁伯鸞

冉冉嶧山桐託根何幽清介介採薇叟秉志何堅貞
伯鸞耻因熱性亦憎浮榮遊辭京邑華居遠軒墀宏
生偕荆布妻死附俠烈塋允矣德不孤無愧高士名

定軒存稿

詩一

十五

黃叔度

潜龍利勿用碩果美不食身隱焉用文道尊世咸則
懷貞民枝求遵晦妙語默緬彼厨顧流持議尚孤刻
始知徵君賢倬然抱遠識

管幼安

幼安豈揮金視金本如玉乃有捉而擲是真士而賈
攫位猶攫金量何異釜鼓海內皆若流何所致吾武
度遼依公孫避世心獨苦

昭君詞

先皇負雄略馭戎屈羣策貌彼烏孫王貴主且遠擲

我本良家子下陳謬克籍陋質久捐棄貫魚阻當夕
單于請賜婚後庭按圖擇賤妾命不猶委爲道傍壁
揮涕辭至尊迴盼黯華澤前驅出玉關行行向沙磧
紫臺日以遠幽憤日以積女子垢穢軀無妨汗貍貌
堂堂中華主乃乏繁戎索曲逆解白登奉信進詭畫
媾胡開厲階至今辱巾幗

昭君怨十解

徐文長逸稿有昭君怨十首用今日漢宮人

定軒存稿

詩一

十六

明朝胡地妾爲韻余亦韻作十解

一解 用青塚事見杜律亦有云未然者

白登圍解挫雄心奉信謀成怨耦尋多少黃沙埋漢
玉獨儂青塚到於今

二解 昭君極蒙胡寵王介甫詩云漢恩自

淺胡自深

阿嬌靜掩長門日入宮爲惹蛾眉嫉如儂夜夜醉屠
蘇幾曾獨聽吹笳篴

三解 琵琶始于烏孫公主世誤以爲繇昭

君

良家子入呼韓館莫恨胡言不通漢烏孫王出江都
王猶聽琵琶撥愁惋

四解

世謂延壽誤王嬙故云

傾城妖麗出深宮絕世丹青沒虜中須信王嬙誤延
壽滿腔愁怨寫難工

五解

俗傳昭君入胡不受辱故用繫臂事

蛾眉婉轉不勝顰雁柱淒清枉訴因繫臂謾勞論漢
事赤繩原自屬胡人

定軒存稿

詩一

六解

用石季倫父子見陵辱語

夜光投暗勝投明墜溷飛花不用驚誰似龍聚承異
寵仍然塵聚尚稱貞

七解

昭君嫁胡生二子有女王莽攝政時

曾入侍太皇太后黃姚用莽尊太后

爲新室文母后爲皇黃室主事

曾聞遣女侍黃姚更說生兒善射鵬怪得文姬斷恩

愛胡笳哀怨訴終朝

八解

用寧胡公主號作解

終生五餌繫單于豈是寧胡爲城胡醉殺吳王說西
子不如儂只戀懽娛

九解

說者謂漢重失信于胡故從昭君之

請遣行

一朝鄉國輕捐棄豈是辭君全信義綠衣猶恐咏齊
姜白頭知不吟吳地

十解

昭君自請行故篇終壯之

李陵降胡終是怯儂請和戎志猶俠身爲絕塞名王
如何如下陳貫魚妾

定軒存稿

詩一

七

定軒存稿目錄

詩二 以下二東草

岱稱海內秩宗予東巡瞻禮之時傳青龍神災
以資談柄余曾作紀略明其事深嘆邪陂之
生心何罔極耶復賦此以識感云 共得十首
瞻岱咏懷 并引

孝潔先生弱冠夢遊岱宗屬具行宮於閭左穆
然手額之久要不忘夢中言爰殫八口所節
束食地經始若猶不給則撤居材粥稔產繼

定軒存稿

詩二目錄

之費可數十千緡歷四暑乃就每清夜神燈
熒熒列隊指祠下洋洋格斯莫可射也觀者
靡不艷異云比不肖子役忝州肅瞻岱下陳
醴東帛默禱 聖祚萬年嗒焉若喪戚戚焉
孝潔先生之不可作也夫今之視昔孰者非
夢因拭泣濡毫率財短什用識伊莪之感時
萬曆庚申五月也 共得十首
予瞻禮岱宗弔秦時五大夫處若有若無不勝
今昔之感既攀磴上天門循黃華一望蒼虬

蔚然環拱又未可百億數彼美大夫又何多
也語稱松柏之有心也無春無寒五運與之
一詎世數哉人心與天地長存亦若是則已
矣作七言記之

岱之巔有試心石高並仙橋懸厓萬仞勢若浮
空翼翼欲飛舞者俗傳質心人履之則無動
否者杌撼不知所處故名試心云戲占二絕
次韻尹職方雲門小集時遄左急兵不勝漆室
之慨云 已未十月

定軒存稿

詩二目錄

夜坐長句 庚申
嶧山吟 辛丑
和劉座師崇壽祠歌
漢柏 庚申六月
唐槐
大夫松
無字碑
吳觀峰
日觀峰

月觀峰

黃華洞

暴經石 二首

庚申仲商斗柄建酉日月會於壽星鄉爾瞻先

生式屆七袞顏況所云勁氣全如秋色勁生

辰常帶月華生漫賦効嘯無論工拙矣

靈巖 次王中丞韻

聞儲講志喜 以下西江草
丙辰

廬山雜作用前韻 共六首

定軒存稿

詩二目錄

三

潯江夜雨

鄭方水太史招飲羽泉

大浸書懷

白燕二首

白鹿洞

周泰宇樞部曹積雪恤部送別湖亭

湖口曉發

菊月榴花

臘月繁花

同鄧臺長泛南江登從姑山和韻四首

江楓

聞雁

懷西溪別業

九日獨坐

初秋御風

除日逢春

莫春

楊柳詞

定軒存稿

詩二目錄

四

入秋才半月耳而日月遞食無然有作

懷同郡諸丈和韻却寄

同劉見初集野孤泉

以下河東草
巳酉

冷泉和韻六首

盤陀驛用壁間韻

欽綸樓南瞰條山千里寓目穆然停雲之思焉

柏香亭畔有槐翼然搖落當秋黃華滿地不異

毫陽葉桂之暎帶也口占寄懷

同楊寒質侍御華池小集

聽松寓言

讀孟姜女集

途次書懷

五老峰 丙辰

天池喜雨 丁巳

學會和韻 壬戌

秋夜 己巳

奴逆披猖不勝主憂臣辱之痛濡涕寫此兼憶

在藉諸公 己巳

定軒存稿

詩二目錄

五

送臘迎春詩 用少陵秋興首律韻

定軒存稿

詩二 以下二束草

岱稱海內秩宗予東巡瞻禮之時傳青龍神災

以資談柄余曾作紀略明其事深嘆邪陂之

生心何罔極耶復賦此以識感云

下界足洗滌一往如頽川邈邈予懷矣言跬泰山顛

其二

夕照發新磊朝雲換故從誰爲新故者山意自無窮

其三

定軒存稿

詩二

高則不可攀深兮眇何旣矯哉振衣人御風絕雲氣

其四

雲氣故盤薄雙懸日夜明百稽禱蒼后永持皇路平

其五

皇路亦澹蕩世趨乃町畦願借天母針一撥衆生迷

其六

衆生情冥冥修禊自昭昭豈不如林放而云福可徼

其七

富貴浮雲裏神明方寸間若能空五蘊跬步便天關